

एदे इलावा लद्दाख खुदमुखतेयार पहाड़ी विकास कौंसल दे मुख्ख कार्यकारी अधिकारी डाक्टर मोहम्मद जाफर आखून होरें बी मुख्खमंत्री हुंदे कन्नै मलाटी कीती। गल्लबात दौरान प्रतिनिधिमंडलें मुख्खमंत्री होरेंगी अपने-अपने हलके दे बक्ख मामलें ते मंगें बारे अवगत करोया। उमर होरें सब्भनें दिएं मंगें ते समस्याएं गी ध्यानै नै सुनेया ते जायज मामलें दा पैहल दी बिनाह पर हल करोआने दा भरोसा दोआया।

<><><><><><>

Itoo -DSEJ

शिक्षा मंत्री स्कीना इत्तू होरें कल स्कूली शिक्षा निदेशालय जम्मू दी इक बैठक दी प्रधानता कीती। इस दौरान मैहकमे दी कारकरदगी दे इलावा शैक्षणिक योजना ते विद्यार्थियें दे कल्याण सरबन्धी जत्नें दी अमलावरी दा बी आकलन कीता गोआ। बैठक दौरान शिक्षा मंत्री होरें BPL विद्यार्थियें लेई मुफ्त कोचिंग- ओह बी पंजीकृत ते मशहूर कोचिंग सैन्टर थमां हासिल करोआने बारे बी जायजा लैता। 2026-27 आले शैक्षणिक सत्र दौरान 445 BPL विद्यार्थियें गी मुफ्त कोचिंग देने आहली सुविधा लेई मंत्री होरें समर्थन कीता। इस मौके मंत्री होरें शैक्षणिक सत्र 2026-27 लेई इक कैलेंडर बी जारी कीता।

<><><><><><>

Tourist Flock Kmr

पैहलगाम दी बेसरन घाटी च इक बरे पैहले होए दे आतंकवादी हमले दे इक बरे मगरा सैलानिएं दी आमद उत्थे बदा रदी ऐ। सैलानिएं सुरक्षा इंतजामें पर संदोख जाहिर कीता ते मुकामी लोकें दी खातर-तवज्जो दी सराहना कीती। घाटी च सुरक्षा बंदोबस्त निगगर करी दिते गेदे हे खास करी सैलानी थाहरें जियां श्रीनगर- पैहलगाम ते होरनें दुइएं मशहूर थाहरें पर पुलस ते नीम फौजी बलें दी तैनाती कीती गेदी ही- तां जे सैलानिएं दी सुरक्षा गी यकीनी बनाया जाई सकै।

पिच्छले बरे 22 अप्रैल गी पहलगाम दी बेसरन घाटी च होए दे आतंकवादी हमले च 26 लोक मारे गे हे। इस बरे उत्थे आए दे सैलानिएं आखेआ जे ओह पूरी चाली सुरक्षित महसूस करा'रदे न। बेंगलूरु थवां इक सैलानी नै आखेआ.....

<><><><><><>

CS -Handicrafts

मुख्य सचिव अटल डुल्लु होरें जम्मू-कश्मीर च दस्तकारियें ते हत्थखड्डी खेतर गी तगड़ा बनाने ते बड्डे स्तरें पर इसी बढावा देने लेई इक उच्ची सतह दी बैठक लाइयें इस सरबंधे च हासल प्रगति ते भविष्य दी रूप-रेखा दा जायजा लैता। मैहकमे आसेया कीती गेदी पैहलकदमियें दा जायजा लेंदे होई मुख्य सचिव होरें बक्य-बक्य जिलें च बंद पेदे सिखलाई केन्द्रें गी फौरी तौर पर चालू करने दी जरूरतें पर जोर पाया तां'जे कारीगरें ते दस्तकारें दे कौशल विकास ते समर्थ निर्माण गी यकीनी बनाया जाई सकै।

<><><><><><>

Prog. Announcement

राष्ट्रीय पंचैती राज ध्याड़े दे सिलसिले च आकाशवाणी दा क्षेत्रीय समाचार एकांश जम्मू कल शुक्रवारें 24 अप्रैल 2026 गी दिनें 12 बजे इक विशेष गल्लबात प्रसारत करने जा'रदा ऐ। गल्लबात दा विशे रौहग 2047 तगर विकसित भारत लेई विकसित पंचैत बनाने गितें विकास लक्ष्य। इस विशेष कार्यक्रम च स्हाड़े परौहने होंगन ग्रामीण विकास ते पंचैती राज विभाग, जम्मू-कश्मीर सरकार दे अतिरिक्त सचिव वसीम राजा जेहड़े इस विशे पर अपने माहिराना विचार सांझे करडन। एह कार्यक्रम कल शुक्रवारें दिनें 12 बजे स्हाड़े इस्सै चैनल, मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर।

<><><><><><>

Rana -Chinab House

जल शक्ति मैहकमे दे मंत्री जावेद राणा होरें ट्रांस्पोर्ट नगर नरवाल च जेरे तामीर अरसारिया चिनाब डोडा हाउस दा व्यापक निरिक्षण कीता ते तय मानके गी बरकरार रखदे होई इस्सी बेल्ले सिर सबूरा करने दी जरुरतें पर जोर पाया। निरिक्षण दे दौरान मंत्री होरें निर्माण कम्मै च हासिल प्रगति दी समीक्षा करदे होई एदे कम्मै गी तेजिया कन्नै तोढ़ चाढ़ने लेई लोइचदे हीलें दी बी शिनाख्त कीती। मंत्री होरें मकामी सतह पर पानी सप्लाई आली स्थिति दा बी जायजा लैता ते भविक्ख दियें जरुरतें दे मददेनजर ढांचागत सुविधाएं च होर बाददे विस्तार दी जरुरतें पर जोर पाया। सरबंधत अधिकारियें मंत्री होरेंगी जानकारी दिती जे चिनाब हाऊस ते एदे कन्नै लग्गदे इलाके दियें जरुरतें गी पूरा करने लेई इक ट्यूब-वैल दे निर्माण लेई 3 करोड़ 22 लक्ख रुपें दी इक तफसीली प्रोजैक्ट रिपोर्ट बी तयार कीती गेदी ऐ।

<><><><><><>

Satish -Village Mela

ट्रांस्पोर्ट मंत्री सतीश शर्मा होरें कल Thanger च आयोजित इक Village Mela च शिरकत कीती। एदा सरिस्ता साबका सांसद मदन लाल शर्मा हुंदी जयंति दे सरबंधै च कीता गेआ। मेले दा आयोजन उन्दे जीवन ते लोके दे कल्याण ते भलाई-बेहतरी लेई दिते गेदे योगदान आस्तै कीता गेआ। इस मौके पर बोलदे होई मंत्री होरें आखेआ जे मदन लाल होरें म्हेशां गरीबें दे उत्थान ते दबोए-तलड़ोए दे लोके लेई कम्म कीता। मगरा पत्रकारें कन्नै गल्ल करदे होई सतीश शर्मा होरें आखेआ.....

<><><><><><>

12th Class Results

जम्मू-कश्मीर स्कूली शिक्षा बोर्ड नै जम्मू संभाग दे सोए आले ज़ोन दे 12मीं जमात दे सलाना ते रैगूलर मतेहानें दे नतीजें दा कल ऐलान करी दिता ऐ।

आकाशवाणी दे जम्मू संवाददाता दी रिपोर्ट मुजब कुल 39 ज्हार 309 विद्यार्थिये ए मतेहान दिता हा जिंदे चा 89 इशारिया 7-9 फीसद यानि 35 ज्हार 299 विद्यार्थिये एदे च कामयाबी हासल कीती ऐ। जागते दे मुकाबले च इक बारी फही कुडिये दा प्रदर्शन मता बेहतर रेया ऐ। विद्यार्थिये गी उन्दे इस शानदार प्रदर्शन पर मुबारकबाद दिंदे होई मुखमन्त्री उमर अब्दुल्ला हारे उन्दी सख्त मेहनत ते निष्ठा दी सराहना कीती ऐ। उमर हारे कामयाब होए दे विद्यार्थिये गी भविक्ख लेई शुभकामनां दिंदे होई नाकाम रोहने आले गी होर मेहनत करने लेई आखेआ ऐ। शिक्षा मंत्री स्कीना इतू हारे बी 12मी जमात दे मतेहाने च पास होए दे विद्यार्थिये गी मुबारकबाद दिती ऐ।

<><><><><><>

Food Safety Ramban

खाद्य सुरक्षा विभाग आसेया रामबन जिले च लोके गी सुरक्षित ते सतदार खुराक उपलब्ध करोआना यकीनी बनाने लेई ठोस जतन कीते जा रदे न। विभाग आसेआ खाद्य सुरक्षा ते मानके सरबन्धी कनून दे तैहत बक्ख-बक्ख बजारें ते हट्टिये-दकाने दी नियमित तौर पर जांच करिये खाने-पीने आलिये चीजे दे नमूने बी लैते जा रदे न। मैहकमे आसेया इने अभियाने दे दौरान खराब ते दूषित चीजे गी तबाह करिये नियमे दी उल्लंघना करने आले दकानदारें पर जुर्माना बी लाया जंदा ऐ। इस बारे होर मती जानकारी देया रदे रामबन दे खाद्य सुरक्षा अधिकारी बलबीर सिंह.....

<><><><><><>